

1817 01

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure,  
Physical Planning Construction and  
Environmental Protection

Broj: 05/01-04-16407-24/21 VI  
Sarajevo, 06.05.2021. godine

**SKUPŠTINA KANTONA SARAJEVO**  
**- o v d j e -**  
n/r Elvedin Okerić, predsjedavajući

**PREDMET:** Odgovor na zastupničko pitanje– zastupnik Hamed Aljović, dostavlja se

Zastupnik u Skupštini Kantona Sarajevo Hamed Aljović, na 34. Radnoj sjednici Skupštine Kantona Sarajevo, održanoj dana 07.04.2021. godine, u okviru tačke Dnevnog reda "poslanička/zastupnička pitanja, inicijative i odgovori", postavio je zastupničko pitanje, koje glasi:

*„Molim Ministarstvo komunalne privrede, infrastrukture, prostornog uređenja, građenja i zaštite okoliša da mi odgovori na pitanje: U cilju zaštite izvorišta Sarajevsko polje pokrenut je projekat za izgradnju postrojenja za tretman otpadnih voda na Gornjoj Grkarici stim u vezi Vas pitamo: Zašto je obustavljen postupak izdavanja okolinske dozvole za postrojenje za tretman otpadnih voda po PVA MBBR tehnologiji na gornjoj Grkarici“*

**Образложење питања**

*„За овај пројекат потписан је Меморандум са CMSR –ом – Влада Словеније која издвaja 40 % средстава. Влада Федерације БиХ, Влада Кантона Сарајево за овај пројекат су подржале у износима од по 500.000,00 КМ а опћина Трново сса 800.000,00 КМ.*

*Постројење се ради по PVA MBBR технологији капацитета 8500 ES.*

*Пошто се ради о заједничком пројекту са Владом Словеније неопходно је да се чим прије размотри могућност наставка поступка издavanja околinsке дозволе која је претходно питање за реализацију пројекта.“*

**ODGOVOR:**

Dana 28.02.2020. godine u ovom Ministarstvu zaprimljen je zahtjev Općine Trnovo za izdavanje okolinske dozvole za izgradnju postrojenja za prečišćavanje otpadnih voda na Igmanu i Bjelašnici na dijelu zemljišta označenog kao k.č. br. 831 i 832 K.O. Presjenica - lokalitet Gornja Grkarica.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



Nakon upotpune Zahtjeva u formalno pravnom smislu, detaljnim uvidom u isti ustanovljeno je, da određeni dijelovi nisu bili adekvatno obrađeni i da je nedostajalo dosta ključnih informacija, te je dana 12.05.2020. godine zatražena dopuna podneska. Imajući u vidu da je shodno članu 104. tada važećeg Zakona o zaštiti okoliša Federacije BiH, odnosno članom 116. stav 3 Zakona o zaštiti okoliša („Službene novine Federacije BiH“ broj 15/21) utvrđeno, da postrojenja za tretman otpadnih voda spadaju u grupu pogona i postrojenja koji predstavljaju opasnost po okoliš zbog načina upravljanja lokacijom i zbog materijala koje koriste, uz mnoštvo drugih, zatraženi su podaci o recipijentu za ispuštanje pročišćenih otpadnih voda – potoku Grkarica: tip vodotoka, kategorija, klasa, srednji mjesečni protok, male i velike vode, mjesto ispusta, dokaz da kapacitet recipijenta zadovoljava zahtjeve kapaciteta postrojenja itd. Također, zatražen je i proračun ekvivalentnog broja stanovnika na osnovu kojeg je određen kapacitet postrojenja od 8.500 ES, te objašnjenje zašto je postrojenje prekapacitirano, jer je predviđena ugradnja pet bioloških modula kapaciteta po 2.000 ES.

Dana 03.08.2020. godine zaprimljena je dopuna Zahtjeva. Nakon pregleda dokumentacije konstatovano je, da je došlo do izmjene recipijenta, pa je umjesto potoka Grkarica recipijent postala rijeka Presjenica. U Zahtjevu nije dato obrazloženje zbog čega je došlo do promjene recipijenta, niti na osnovu kojih parametara je izvršen novi odabir. Promjena recipijenta je implicirala, da prvobitno izabrani potok Grkarica po svom tipu i režimu tečenja nije bio zadovoljavajući izbor. Ni ovog puta nisu bili dati podaci o novom recipijentu, osim vrijednosti za proticaj na nekom profilu mjeren u toku 2019. godine za potrebe Idejnog projekta MHE Presjenica. Nedostajao je podatak o mjestu ispusta, osim da je udaljeno 3 km zračne linije od postrojenja, niti je pojašnjena izmjena režima tečenja u kontekstu relacije ispust predmetnog postrojenja – MHE Presjenica (da li će ili kako će ispust uticati na režim rada MHE, kao i na ostale nizvodne korisnike). Neprihvatljiv je bio navod, da je ispust predmet drugog projekta. Postrojenje za prečišćavanje otpadne vode ne može se razmatrati ukoliko nije izvodljivo rješenje ispusta prečišćene vode u recipijent. Trasa kolektora je morala biti naznačena (definisana), udaljenost 3 km zračne linije od postrojenja do ispusta je praktično značajno veća dužina kolektora u odnosu na prethodno rješenje, a sa stanovišta zaštite okoliša, nedostajao je i veoma važan podatak o terenu kuda će trasa kolektora prolaziti.

Osim toga, u odnosu na prvobitni Zahtjev gdje je bilo definisano pročišćavanje otpadne vode u pet bioloških modula kapaciteta po 2.000 ES, u dostavljenoj dopuni Zahtjeva je za kapacitet od 8.500 ES bila predviđena ugradnja četiri modula po 2.000 ES. Ovakav fleksibilan pristup u dimenzioniranju postrojenja ilustrovao je, da se nije raspolagalo tačnim podacima o broju objekata koji će biti priključeni na isto.

Budući da je za Regulacioni plan „Sportsko rekreativno područje Bjelašnica“, u čijem se obuhvatu nalazi predmetno postrojenje, u toku bila izrada izmjena i dopuna, te da se u tu svrhu vršila strategijska procjena uticaja na okoliš, na osnovu koje bi se trebala, između ostalog, predložiti optimalna rješenja za sadržaje u obuhvatu Plana, a na osnovu toga i odrediti kapacitet predmetnog postrojenja, kao i najpovoljnija lokacija za njegovu gradnju, Ministarstvo je dana 14.09.2020. godine, shodno članu 142. Zakona o upravnom postupku („Službene novine Federacije BiH“, br. 2/98, 48/99), zaključkom prekinulo postupak izdavanja okolinske dozvole za predmetno postrojenje za prečišćavanje otpadnih voda do donošenja planskog dokumenta Izmjena i dopuna Regulacionog plana „Sportsko rekreativno područje Bjelašnica“ u koji će biti ugrađeni rezultati strategijske procjene uticaja predmetnog plana na okoliš.

Dana 16.03.2020. godine Zavod za planiranje razvoja KS je, u funkciji koordinatora između izrađivača Izvještaja o strategijskoj procjeni uticaja na okoliš predmetnog Plana i Nosioca pripreme Plana (Općina Trnovo), dostavio Ministarstvu Izvještaj o strategijskoj procjeni uticaja na okoliš za Izmjenu i dopunu Regulacionog plana „Sportsko-rekreativno područje Bjelašnica“ na mišljenje. Nakon pregleda istog Ministarstvo je utvrdilo, da se Izvještaj ne može staviti na javni uvid prije nego što se izvrše značajne dorade dokumenta. Dana 15.10.2020. godine Zavod je dostavio revidiranu verziju Izvještaja, nakon čega je isti postavljen na web stranicu Ministarstva radi javnog uvida. Upućen je poziv nadležnim organima i stručnim institucijama za izjašnjenje o Izvještaju.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177

Sarajevo, Reisa Džemaludina Čauševića 1




Uzimajući u obzir rezultate javnog uvida i mišljenja zainteresiranih organa, institucija i pojedinaca, ovo Ministarstvo je dana 08.03.2021. godine obavijestilo Zavod, da je Izvještaj o strategijskoj procjeni uticaja na okoliš za Izmjene i dopune Regulacionog plana „Sportsko-rekreaciono područje Bjelašnica“ neprihvatljiv, zbog čega mora biti ponovo doraden. Između ostalih, primjedbe su se odnosile i na neadekvatnu procjenu uticaja na okoliš predmetnog postrojenja – praktično i nije bilo procjene, izuzev teoretskog razmatranja.

Postupak strateške procjene uticaja na okoliš za Izmjenu i dopunu RP “Sportsko rekreaciono područje Bjelašnica” je još uvijek u toku. Vezano za predmetno postrojenje, u sklopu procjene potrebno je sagledati i u obzir uzeti i alternativne opcije, kako po pitanju lokacije prečistača, tako i po pitanju tehnoloških rješenja.

Napominjemo, da područje Bjelašnica - Igman predstavlja hidrološku, hidrogeološku i sanitarno-higijensku cjelinu sa izvoristom vode za piće "Sarajevsko polje", te stoga i najmanja nepravilnost u radu postrojenja ili akcidentna situacija nosi visok rizik zagađivanja vode u podzemlju, a dugoročno i rizik zagađivanja pitke vode izvorišta "Sarajevsko polje". U tom smislu, projekat postrojenja mora biti razrađen do posljednjeg detalja, a lokacija pomno odabrana.

Imajući u vidu sve gore navedeno, jasno je da se nisu stekli uslovi za nastavak postupka izdavanja okolinske dozvole za predmetno postrojenje.



Enver Hadžiahmetović, dipl.ing.maš.

Dostaviti:

- ⊖ Naslovu
- Služba za skupštinske poslove Kantona Sarajevo
- Stručnoj službi Vlade Kantona Sarajevo
- Sekretaru Vlade Kantona Sarajevo
- Evidenciji
- a/a



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1

